



JU dom-porodica

Zenica, Crkvice 20 C
Tel. 032/227-578
Fax. 032/227-575

dompor@bih.net.ba

Na osnovu člana 20a. Zakona o radu („Službene novine Federacije BiH“ br. 26/16. i 89/18.), člana 8. Pravilnika o radu-prečišćeni tekst broj: 01-2033/21 od 17.12.2021. godine i Odluke o potrebi prijema radnika u radni odnos u JU “Dom-porodica” Zenica broj: 01-229/23 od 26.01.2023. godine, u skladu sa Saglasnosti Gradonačelnika Grada Zenica broj: 02-45-25442/22 od 18.01.2023. godine, direktor JU “Dom-porodica” Zenica raspisuje,

JAVNI OGLAS

za prijem radnika u radni odnos u JU “Dom-porodica” Zenica

I.

JU “Dom-porodica” Zenica raspisuje Javni oglas za prijem radnika u radni odnos na upražnjena radna mjesta, kako slijedi:

1. **“Vaspitač”**, na neodređeno vrijeme, uz uslov probnog rada u trajanju od tri (3) mjeseca..... jedan (1) izvršilac;

3. **“Pomoćni radnik u kuhinji”** na neodređeno vrijeme, uz uslov probnog rada u trajanju od dva (2) mjeseca..... jedan (1) izvršilac;

II.

a) Opći uslovi za obavljanje poslova:

- da je kandidat stariji od 18 godina,
- da je državljanin BiH,
- da posjeduje zdravstvenu sposobnost za obavljanje poslova radnog mjesta za koje se prijavljuje.

b) Posebni uslovi za obavljanje poslova:

1. Za radno mjesto “Vaspitač”

- VSS – VII stepen stručne spreme, odnosno obrazovanje najmanje prvog Bolonjskog Sistema studiranja koji se vrednuje sa 240 ECTS bodova ili VŠS – VI stepen stručne spreme, odnosno obrazovanje najmanje prvog ciklusa Bolonjskog sistema studiranja koji se vrednuje sa 180 ECTS bodova sa stečenim jednim od zvanja: pedagog, profesor predmetne nastave, profesor razredne nastave, socijalni pedagog ili neko od zvanja stečenih na Defektološkom fakultetu ili Edukacijsko-rehabilitacijskom fakultetu;
- najmanje 1 godina radnog iskustva u struci na istim ili sličnim poslovima.

Kratak opis poslova:

- brine se o psihičkom i fizičkom razvoju šticećenika,
- radi na formiranju higijenskih, kulturnih i radnih navika kod šticećenika,
- dosljedno sistematski i planski organizira socio-ekonomski razvoj kod šticećenika,
- realizira program socijalno-vaspitanog rada i ostvaruje ciljeve i zadatke vaspitanja šticećenika predškolskog uzrasta, školskog uzrasta i omladine,
- osposobljava šticećenike za samostalan život i rad u okvirima njegove mogućnosti,

- radi i druge poslove i radne zadatke koji spadaju u nadležnost "Vaspitača" u skladu sa Pravilnikom o organizaciji i sistematizaciji poslova i radnih zadataka JU "Dom-porodica" Zenica.

Osnovna plaća radnog mjesta iznosi: 730,00 KM

2. Za radno mjesto "Pomoćni radnik u kuhinji"

- Stručna sprema : NK radnik, osmogodišnja škola,
- Radno iskustvo: bez iskustva,

Kratak opis poslova:

- svakodnevno izvršava zadatke oko pranja posuđa i čišćenja kuhinje;
- obavlja poslove na pripremanju namirnica;
- radi na čišćenju kuhinje, trpezarije i holova ispred kuhinje i trpezarije;
- pomaže kuharu oko spremanja obroka;
- radi i druge poslove u okviru svojih sposobnosti koji mu se daju u zadatak, a naročito poslove radnice na održavanju higijene.

Osnovna plaća radnog mjesta iznosi: 596,00 KM

Kao dokaz o ispunjavanju općih i posebnih uslova iz oglasa, kandidati su dužni dostaviti:

- potpisanu prijavu sa kraćom biografijom, sa naznakom za koje radno mjesto se prijavljuju,
- izvod iz matične knjige rođenih-rodni list,
- uvjerenje o državljanstvu,
- svjedočanstvo-diploma o traženoj vrsti i stepenu stručne spreme,
- uvjerenje o traženom radnom iskustvu koje je izdato od ranijeg poslodavca (samo za radno mjesto pod rednim brojem: 1.).

Dokaz o zdravstvenoj sposobnosti izdatoj od nadležne zdravstvene ustanove dostavlja kandidat koji bude izabran za prijem u radni odnos.

Uz prijavu na javni konkurs, kandidati su dužni dostaviti dokumente o ispunjavanju općih i posebnih uslova, original ili ovjerene fotokopije koje nisu starije od 6 mjeseci (osim izvoda iz matične knjige rođenih) računajući do dana objave javnog konkursa.

III

1. Sa kandidatima koji budu ispunjavali formalno-pravne uslove za radno mjesto pod rednim brojem 1.(Vaspitač), Komisija za izbor kandidata za prijem u radni odnos obaviti će pismeni i usmeni stručni ispit. Pismeni stručni ispit Komisija će provesti na način da će svaki od kandidata dobiti 10 (deset) pitanja iz stručne oblasti, pri čemu se svaki odgovor boduje sa 5 bodova, te ukoliko kandidat osvoji manje od 35 bodova, smatra se da kandidat nije položio pismeni stručni ispit i isti ne učestvuje u daljnjem postupku. Usmeni stručni ispit se obavlja na način da svaki član Komisije postavlja po 2 (dva) pitanja svakom kandidatu, koja će biti ista za sve kandidate. Kandidati će se ocjenjivati ocjenom od 1 do 5. Ukupan rezultat će biti zbir bodova pismenog i usmenog stručnog ispita koji su dali svi članovi Komisije, podijeljen sa brojem članova Komisije.

Literatura za spremanje pismenog i usmenog stručnog ispita je:

-„Mikropedagogija“; dr. Marija Bratanić

-„Razvojna psihologija“ (poglavlja V i VI); Philip Hwang i Bjorn Nilsson

Literatura će biti dostupna na web stranici: www.dom-porodica.ba

2. Sa kandidatima koji budu ispunjavali formalno-pravne uslove za radno mjesto pod rednim brojem 2. (Pomoćni radnik u kuhinji), obaviti će se intervju.

Kandidati će o terminu održavanja pismenog stručnog ispita, usmenog stručnog ispita i intervjua biti pismeno obaviješteni, slanjem poziva na adresu kandidata, kao i na e-mail adresu ukoliko je ista navedena u prijavi, i to najmanje 5 (pet) dana prije održavanja istog.

IV.

Kandidat koji bude izabran i primljen u radni odnos, podliježe obavezi provjere putem probnog rada. U slučaju da primljeni kandidat ne zadovolji očekivanja poslodavca u toku trajanja probnog rada, prestat će mu radni odnos sa istekom trajanja probnog rada, bez obaveze poštivanja otkaznog roka. U tom slučaju Uprava preduzeća će donijeti odluku o izboru kandidata za prijem u radni odnos sa liste uspješnih kandidata.

V.

Oglas će biti objavljen u dnevnom listu "Oslobođenje", web stranici JU "Dom-porodica" Zenica, web stranici Gradske uprave Zenica i web stranici JU Službe za zapošljavanje Ze-do kantona. Oglas ostaje otvoren 8 (osam) dana od dana objave u dnevnom listu "Oslobođenje."

Za sva dodatna obavještenja možete se obratiti na telefon broj: 032/ 227-578.

Svi zainteresovani kandidati, prijave sa potrebnom dokumentacijom u zatvorenoj koverti mogu lično dostaviti na protokol ili putem pošte, na sljedeću adresu:

**JU "Dom-porodica" Zenica
Crkvice 20 C
72 000 Zenica**

**PRIJAVA NA OGLAS
za radno mjesto - _____ -
"NE OTVARATI"**

Napomene:

- Neblagovremene, neuredne i nepotpune prijave, kao i prijave kandidata koji ne ispunjavaju opšte i posebne uslove neće se uzeti u razmatranje.
- Po okončanju procedure po javnom oglasu, dokumenta priložena prijavi neće se vraćati kandidatima, osim na osnovu pismenog zahtjeva kandidata.